



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Concurrentia Officij. IX.

urn:nbn:de:hbz:466:1-40244

34 Comm.in Rubr.Breuiarij. Sect.III. Cap.VIII.&IX.

Optasse & ego cum alijs , diem Octauam Festi B. Virginis habentis Octauam , esse Duplex maius , sicuti sunt eiusdem minora Festa per annum : at eadem ferè ratio militaret in Angelis & Apostolis , vt patet . Rubrica vero non distinguit inter diem Octauam , & diem Octauam , nisi in Festis Domini : vnde neque nos distingueremus . Vrgetque rursus exemplum diei Octauæ Omnia Sanctorum , quod est præcipue B. Virginis , ex Martyrologio , & non habet integras Vespertas . Octaua quoque S. Ioannis Euangeliæ minùs virget , quæ in Rubricis excepta fuit , de *Concurrentia Officij num. 7.* ijs verbis : *Et quando aliter in proprijs locis notatur : nulla igitur alia dies Octaua Sanctorum est Duplex maius.*

24 Denique dies Octaua Corporis Christi licet sit dignissima , si tamen ea die occurrat Festu Natiuitatis S. Ioannis , vel Apostolorum Petri & Pauli , sola gaudet commemoratione , ob singularia merita sanctorum Principum Ecclesiæ Christianæ toto orbe venerandorum ; & eadem ratione fit Officium de Patrono loci , si occurrat in dicta die Octauæ Corporis Christi , cum eiusdem commemoratione tantum , quia est prima classis in loco ubi est Patronus : idem dico de Titulo Ecclesiæ ; & multò magis affirmarem de Dedicatione Ecclesiæ , si in eam diem Octauam incideret , ob ratione à fortiori sumptam à sancto Thoma , de qua suprà hoc cap. num. 7. Festa vero secundæ classis cedere debent prædictæ diei Octauæ , sicut à tota Octaua arcentur Semiduplicia Festa . & de facto cedit commemorationi sancti Pauli extra propriam Ecclesiam , vt in propria Rubrica dicitur ; quamquam non est pro-

priè secundæ classis , vt ibi dicimus .

25 De Lectionibus infra Octauas infrā agemus ; de Precibus , Suffragijs , in proprijs Titulis & Capiibus , *Sectione quinta.*

De Concurrentia Officij.

C A P. IX.

1 **D**antur in Officio diuino Concurrentia & Occurrentia , quæ habent pro diuersa ratione proprias leges . Nam Concurrentia est duorum pridie & postridie celebrandorum , & attenditur ordinariè in secundis Vesperis viuis , & in primis alterius Festi ; Occurrentia vero est duorum in eodem die .

2 Sequare autem ordinem Titulorum præcedentium Capitum ; & primò de Duplici : nam Festum Duplex concurrere potest cum alio Duplici , vel die Octaua Festi habentis Octauam . Si ergo sunt æqualia , regulariter à Capitulo fit de sequenti cum commemoratione præcedentis . Dixi , si sunt æqualia ; quia si Duplex maius sit , totum fit de Duplici cum commemoratione die Octauæ , vt in secundis Vesperis Exaltationis S. Crucis . Dixi regulariter , quia in tribus Festis Natiuitatis Domini fallit hæc regula , vt eo loco patet . est autem diuisio Vesperarum à Capitulo in partes ferè æquales . Si sunt inæqualia , illud Festum , quod maius est , habet integras Vespertas cum commemoratione minoris , quando & hæc fieri debeat , vt dicimus ex Micro. c. 35. Quod enim magis vel minùs Festum habet de Vespertilis , & præfertur de primis Vespertilis , quæ ex Amalara sunt nobiliores secundis , èd etiam lolemne magis & minùs est Festum .

3 Inæqualitas attendit : ex hoc ordine :

dine: Festa Domini præferuntur omnibus alijs, & habent utrasque Vespertas integras, Festa beatæ Mariæ Festis aliorum Sanctorum, Festa Angelorum & Apostolorum ceteris alijs; si alijs, ergo etiam Euangelistis (quod bene nota) Festa Sanctorum, qui in proprijs locis vel Ecclesijs solemniter celebrantur, alijs in Calendario descriptis. Hinc appellantur prædicta Festa vel primæ, vel secundæ classis, vel Duplicita maiora, qua in concursu cum minoribus habent integras primas & secundas Vespertas. Errant ergo ijs, qui in Ecclesia B. Rochi propria de eodem, vt Patrono, recitant primas Vespertas cum commemoratione Assumptionis B. Virginis, cui debentur integræ secundæ Vespéræ ex hac Rubrica: nam utrumque Festum est quidem primæ classis, sed dignior beata Virgo B. Rocho. Neque valet exemplum quo se tuerunt, quia in primis Vespéræ Commemorationis S. Pauli in propria Ecclesia Vespéræ sunt integræ de sancto Paulo; tum quia concursus est interæquales; tum quia est specialis Rubrica, cui alluditur in Rubrica generali de *Concurrentia Officij* num. 2. ijs verbis: *Nisi, inquit, aliter in proprijs locis annoveretur.* Quod autem dicitum est, Festa solemnia locorum præferri alijs in Calendario descriptis, intellige de concursu, &c, vt diximus suprà *Sett. 2. cap. 2.* n. *numero 29. pagina 17.* ceteris paribus, habita ratione personarum iuxta prædictos gradus, & majoritatis ritus, de qua ibidem Rubrica loquuntur.

4 Duplex item concurrere potest cum Semiduplici, Dominica, die infra Octauam, Simplici, & Officio sanctæ Mariæ in Sabbato, & tunc omnia in secundis Vespéræ de Duplici erunt

cum commemoratione illorum, nisi Duplex esset primæ classis, quod admitteret commemorationem tamen de Semiduplici, & de Dominica, non de alijs prædictis; vel secundæ classis esset, quod admitteret præterea commemorationem de die infra Octauam, si in sequenti fieri debet Officium, & de Simplici, & de S. Maria in Sabbato. cum Feria vero non concurrit, neque cum Vigilia.

5 Semiduplex potest concurrere cum Duplici, & omnia de Duplici fiunt cum commemoratione Semiduplicis, nisi Duplex sequens fuerit ex ijs solemnibus, quæ excludunt etiam commemorationē Semiduplicis. Item potest concurrere cum Semiduplici, Dominica, die infra Octauam; & tunc diuiduntur Vespéræ à Capitulo de sequenti. Item potest Semiduplex concurrere cum Simplici, & sancta Maria in Sabbato, & eo casu omnia de Semiduplici cum commemoratione sequentis.

6 Dominica concursus habere potest cum sequenti Duplici, & omnia erunt de Duplici; & commemoratione de Dominica, nisi sit Duplex primæ vel secundæ classis, quod excludit Dominicæ commemorationem. Item cum Semiduplici potest concurrere, vel cum Feste Simplici, & in his casibus omnia de Dominica cum commemoratione sequentis, quod habet etiam *Radulph. Propof. 15.*

7 Quæres, cut Dominica habeat integras secundas Vespertas, dum concurrerit cum Semiduplici sequenti, & non habeat integras primas Vespertas concurrens cum Semiduplici præcedenti, vt *num. 5.* diximus; & eo maior est ratio dubitandi, quia diximus, nobiliores esse primas Vespertas

E 2 secun-

36 Comm. in Rubr. Breuiarij. Sect. III. Cap. IX. & X.

secundis. Dicerem, vel ob concursum populi ad Terceras Vespertas, quas amat, Dominicales, non ad primas; vel forte, quia Psalmi Sabbatini minus habent festiuitatis, plus ferialitatis; & incongrui vici sunt inter Festum Semiduplex, & Festum Dominicæ: quo factum est, ut Psalmi essent Festi de Semiduplici, & Capitulum de Dominicæ.

8 Simplex non potest concurrere cum sequenti, quia non habet secundas Vespertas. Si sequatur aliud Simplex, de eo fit à Capitulo post Psalmos de Feria, sine commemoratione præcedentis. Si sequatur Officium nouem Lectionum, Vesperæ integræ erunt de hoc sine illa similiter commemoratione Simplicis præcedentis. Si nullum Festum sequatur, Officium erit de Feria totum.

9 Feria item non concurrit cum sequenti, quia incipit & desinit, ubi definit & incipit quodcumque aliud Officium. Si diuersæ sint Feriæ proximæ, unaquæque suo die, non ultra diem, locum habet, ut fusius dicitur in Rubric. de Concurrent. num. 9. De Octauæ concursu actio & passio cum alijs in hoc capite omisimus dicere, cùm plenè Cap. 8. iam dixerimus a num. 15.

*De Occurrentia Officii diuini,
seu de Translatione Festorum.* C A P. X.

Duplex Festum potest occurtere in Dominicis Aduentus, & à Septuagesima usque ad Dominicam in Albis inclusuè, in Vigilia Nativitatis Domini, in Circumcisione, in tota Octaua Epiphaniæ, in Feria quarta Cinerum, in

tota maiori Hebdomada, infra Octauam Paschæ, Ascensione Domini, in diebus à Vigilia inclusuè Pentecostes usque ad Festum Trinitatis inclusuè, in Festo Corporis Christi, & eius die Octaua, in Assumptione B. Virginis & in Festo Omnium Sanctorum, quæ duo ultima Feiæ addita sunt in postrema recognitione: & tunc Duplex transferrur in primam diem Festo novem Lectionum non impeditam, Radolph. meminit Propof. 15. Microl. etiam cap. 42. tradit, occurrentibus duobus Festis, minùs nobile differri.

2 Si verò est Duplex primæ classis, de eo fit in Dominicis secunda, terciæ, quarta Aduentus, & Quadragesima, in Dominicis Septuagesima, Sexagesima, Quinquagesima, & infra Octauam Epiphaniæ; quia ratio Festi, & præsertim Patroni loci, seu Titularis Ecclesiæ, vel Dedicationis eiusdem, præualet penes populum eius loci: neque hæ Dominicanæ pares sunt primis Dominicis, in quibus mysteria Religionis nostræ inchoantur.

3 Si contingat, ut duo Festa Duplex occurant eodem die infra Octauam, hoc est, in Ecclesia aliqua particuliari, quæ forte celebet Octauam Patroni loci, infra quam potest occurrere Duplex ex Festis mobilibus unde cum Duplice per annum in Calendario Romano; eo casu debet transferri Duplex minus in primam diem limiter non impeditam. & hic est sensus Rubricæ de Translatione Festorum num. 3. quam putant aliqui esse superfluam: sed ideo sancta fuit ad differentiam Semiduplicis, cuius translatio aliquando fit extra Octauam. Et hac de Dupli.

4 Semiduplex potest occurtere in diebus prædictis num. 1. & 2. & praeterea